

debemus in, vel ex gratia, *QVAE EST IN CHRISTO*: v. 1. non igitur hæc gratia nobis contingit præter Christum, Christi- que meritum, non extra Christi meritum, sed potius intuitu me- riti Christi, in quo nobis omnis contingit benedictio, juxta pro- missiones patriarchales, in semine tuo benedicentur omnes gen- tes Gen. XII. 3. hinc Paulus exclamat Eph. I. 2. Gratia vobis, & à DEO Patre nostro, & Domino Jesu Christo: *Benedictus DEUS & Pater Domini nostri Jesu Christi, qui benedixit nos in omni be- nedictione spiritali in caelestibus IN CHRISTO*. Nec (2) ra- tione absoluti decreti, quæ Calvinianorum est sententia, quasi vid. DEUS Pater absolute decreverit, solis Electis dare Christum, & media salutis, ac inter ea Mnemosophian quoq; Paschalem: Nam DEUS Christum, & resurrectionem ejus dedit omnibus hominibus, offert Mnemosophian paschalem adhuc Electis atq; reprobis, & sic h. l. dare dicitur intellectum non per immediatam illuminationem, sed per hanc Paulinam concionem, siquidem hoc etiam verbum est lux illuminans Psal. XIX. 9. lucerna pedibus nostris, & lumen semitis nostris, CXIX. 105. lucerna splendens in loco caliginoso cordium nostrorum II. Pet. I. 19.

10. (II) DEO Filio, siquidem huic etiam jure meritis- simo Mnemosophias paschalis causalitas principalis competit: Pa- tet hoc tum ex v. 1. quia per hanc Mnemosophiam spiritalem confortamur in, & à Christo; tum ex v. 2. quia per eandem mili- tare debemus in Christo, sicut boni milites Jesu Christi, contra Satanam, mundum, peccatum, mortem, infernum, & omnes ho- stes spirituales. Christus per & propter resurrectionem suam, mysticum conscribit exercitum, Imperatoris partes ipse susci- pit, nos per resurrectionis suæ memoriam fortes & robustos red- dit, masculè cum ipso, per ipsum, in ipso pugnantes efficit, & in fide nobis victoriam concedit I. Joh. V. 4. Christi victoria nostra victoria, resurrectionis Christi memoria paschalis nostra victoria, spiritalis vincentium gloria: tum quia sic in memoria resurrectionis Christi certantes coronamur v. 5. nam qui certat in agone, non coronabitur, nisi legitime certaverit: Christus vero dat certaminis pugnam, pugnae victoriam, victoriae coronam, sicut